

Na osnovu člana 21. stav 3. Zakona o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine („Službene novine FBiH“, broj: 15/05), a u cilju planiranja, kvalitetne izrade i transparentne provedbe planova pomoći održivog povratka u 2016. i 2017. godini, Federalno ministarstvo raseljenih osoba i izbjeglica objavljuje

## JAVNI OGLAS

### **za podnošenje prijava/zahtjeva/projekata za programe pomoći održivog povratka - Izgradnja i sanacija infrastrukturnih i drugih objekata od značaja za širu društvenu zajednicu u mjestima povratka na prostoru Bosne i Hercegovine**

#### **1. Predmet javnog oglasa**

Podnošenje *prijava/zahtjeva/projekata* pravnih lica radi pružanja pomoći u realizaciji projekata izgradnje i sanacije infrastrukturnih i drugih objekata od značaja za širu društvenu zajednicu u mjestima povratka u Bosni i Hercegovini i to:

1. putne infrastrukture;
2. vodovodne i kanalizacione infrastrukture;
3. objekata vjerskog i sakralnog karaktera;
4. objekata obrazovnog, sportskog i kulturnog karaktera;
5. ostali objekti od značaja za širu društvenu zajednicu.
6. zajednički međuentitetski i općinski projekti sa nevladinim organizacijama (podrška obnove i izgradnje putne infrastrukture u dijelovima između entiteta, pomoć u obnovi i opremanju objekata obrazovnog, sportskog i kulturnog karaktera, te ostalih objekata od značaja za širu društvenu zajednicu, kao i podrška organiziranju raznih sportskih, kulturnih i drugih manifestacija).

#### **2. Pravo učešća**

Prijavu/zahtjev/projekat na Javni oglas mogu podnijeti:

- organi vlasti, institucije i vjerske zajednice, te udruženja/organizacije/asocijacije čije su programske aktivnosti usmjerene na proces povratka i njegovu održivost.

#### **3. Opći kriteriji**

Prijava/zahtjev/projekat obavezno treba da sadrži slijedeće dokumente:

- čitko popunjenu, potpisanu i ovjerenu prijavu na obrascu koji je dostupan na web stranici Ministarstva [www.fmroi.gov.ba](http://www.fmroi.gov.ba) ili se može preuzeti lično u prostorijama Ministarstva na adresi Terezije 56. Sarajevo;
- ovjerenu kopiju akta o registraciji (ako prijavu podnose udruženja/ organizacije/asocijacije i sl.);
- ovjerenu kopiju Statuta (ako prijavu podnose udruženja/organizacije/asocijacije i sl.);
- preporuka projekta od strane lokalne zajednice opštine/Mjesne zajednice (ako prijavu podnose udruženja/organizacije/ asocijacije i sl.);

#### **4. Posebni kriteriji**

Dokazi iz posebnih kriterija nisu obavezni, ali će se na osnovu istih izvršiti vrednovanje aplikacija:

1. izjava o spremnosti sufinansiranja pojedinačnih projekata u procentualnom iznosu od ukupne vrijednosti projekta;
2. projektna dokumentacija, građevinske dozvole, urbanističke saglasnosti i ostala odobrenja potrebna za realizaciju projekta izdata od nadležnih organa (dostaviti ovjerene kopije);

3. izjava/potvrda o broju povratničkih domaćinstava/povratnika kojima će projekat koristiti.
4. ostali izvori prihoda za sufinansiranje projekta od strane drugih donatora (dostaviti adekvatan dokaz);
5. izjava/potvrda o broju potencijalnih povratnika/osoba zainteresovanih za povratak.
6. izjava o očekivanim rezultatima u slučaju realizacije projekta i procjenu mjerljivih efekata koji idu u prilog stvaranju preduslova za kvalitetniji i sadržajni život povratnika u mjestu povratka, može biti sastavni dio idejnog projekta ili u obliku posebne izjave.

Napomena: Izjave pod 1., 3., i 5. mogu biti popunjene i ovjerene na obrascu prijave.

### **5. Način izbora korisnika**

Izbor projekata i korisnika pomoći po osnovu ovog Javnog oglasa će vršiti Komisija koju će imenovati federalni ministar raseljenih osoba i izbjeglica.

Komisije će razmatrati prijave u skladu sa "Procedurama za izbor korisnika pomoći izgradnje i sanacije infrastrukturnih i drugih objekata od značaja za širu društvenu zajednicu u mjestima povratka u Bosni i Hercegovini", koje će, na prijedlog Komisije, donijeti federalni ministar raseljenih osoba i izbjeglica, te u skladu sa odredbama ovog Javnog oglasa i „Procedurama i kriterijima za odabir korisnika pomoći iz sredstava za podršku implementaciji i održivom povratku izbjeglih i prognanih lica sa područja Regije Srebrenica.“

### **6. Posebne napomene**

Obrazac prijave je dostupan na web stranici Ministarstva [www.fmroi.gov.ba](http://www.fmroi.gov.ba), ili se može preuzeti lično u prostorijama Ministarstva na adresi Terezije 56. Sarajevo.

Dostavljanje prijave/zahtjeva/projekata se vrši preporučeno poštom ili lično u zapečaćenoj koverti na adresu:

***Federalno ministarstvo raseljenih osoba i izbjeglica,  
Alipašina 41, 71000 Sarajevo***

sa naznakom „Prijava na Javni oglas iz programa održivog povratka – izgradnja i sanacija infrastrukturnih i drugih objekata od značaja za širu društvenu zajednicu u mjestima povratka na prostoru Bosne i Hercegovine“

*(Na poleđini koverta obavezno navesti naziv/ime podnosioca prijave i tačnu adresu)*

**Javni oglas ostaje otvoren 20 dana od dana objavljivanja**

Nepotpune i neblagovremene prijave neće se uzimati u razmatranje.

**Dodatne informacije mogu se dobiti na tel: 033/201-756 i 033/205-543**

Prijave/molbe/zahtjevi/projekti potencijalnih korisnika sa područja Federacije BiH i Republike Srpske koji se nalaze na utvrđenim rang listama iz 2014. godine se neće nastaviti rješavati nakon objavljivanja konačnih rang listi po Javnom oglasu, odnosno sve navedene prijave će se smatrati nevažećim.

**MINISTAR**

dr. sci. Edin Ramić

Broj:03-36-2-14/16  
Sarajevo, 18.01.2016.godine